



Broj: 11-19-11-2-3414/26

Datum: 10.09.2026. godine

Na osnovu člana 43. Zakona o unutrašnjim poslovima Federacije Bosne i Hercegovine (Službene novine Federacije BiH broj: 81/14), člana 25., 69. i 70. Zakona o javnim nabavkama (Službeni glasnik BiH broj: 39/14, 59/22 i 50/24), i preporuke Komisije za provođenje konkurentskih i pregovaračkih postupaka nabavki za 2026. godinu, direktor Federalne uprave policije, d o n o s i

O D L U K U

o izboru najpovoljnijeg ponuđača za javnu nabavku klima uređaja

I

Prihvata se prijedlog Komisije za provođenje konkurentskih i pregovaračkih postupaka nabavke, te se ugovor dodjeljuje ponuđaču „**ENERGO CENTAR**“ d.o.o. čija ponuda broj 3719/26 od 26.08.2026. godine iznosi ukupno **12.600,00 KM bez PDV-a**.

II

Odabrani ponuđač dužan je u skladu sa tačkom 12. (u roku od 5 dana) tenderske dokumentacije dostaviti dokaze koji su traženi tenderskom dokumentacijom.

III

Za izvršenje Odluke zadužuje se Sektor za finansije i javne nabavke.

IV

Ova Odluka objavit će se na web stranici Federalne uprave policije www.fup.gov.ba u skladu sa članom 70. stav (6) Zakona o javnim nabavkama ("Službeni glasnik BiH", broj: 39/14 i 59/22).

V

Odluka stupa na snagu danom donošenja.

O B R A Z L O Ž E N J E

Federalna uprava policije je provela konkurentski postupak javne nabavke klima uređaja, broj Obavještenja o javnoj nabavci: 1412-7-1-238-3-183/26 od 19.08.2026 godine.

Javna nabavka je provedena putem konkurentskog zahtjeva za dostavljanje ponuda, a procijenjena ukupna vrijednost nabavke iznosi **12.600,00 bez PDV-a**.

Postupak je proveden od strane Komisije za provođenje konkurentskih i pregovaračkih postupaka nabavki za 2026. godinu, broj Rješenja o imenovanju: 11-11/4-30-2-1432 od 30.12.2025. godine.

Uvidom u predmetnu dokumentaciju utvrđeno je da je od strane Komisije pravilno proveden postupak, te da je preporuka o izboru najpovoljnijeg ponuđača za Javnu nabavku klima uređaja data u skladu sa Zakonom o javnim nabavkama i tenderskom dokumentacijom.

Dana 02.09.2026. godine, Komisija za provođenje konkurentskih i pregovaračkih postupaka nabavke za 2026. godinu izvršila je otvaranje ponuda u postupku Javne nabavke klima uređaja,

o čemu je sačinjen Zapisnik o otvaranju ponuda, u koji su uneseni svi podaci propisani članom 63. stav 4. i 5., ZJN.

Također, na osnovu Zapisnika o ocjeni i pregledu ponuda utvrđeno je da je Komisija blagovremeno i pravilno izvršila otvaranje ponuda, pregled i ocjenu kvalifikovanosti ponuđača, o čemu je sačinila navedeni zapisnik, u kojem je utvrđeno sljedeće:

- da su za Javnu nabavku klima uređaja zaprimljene tri (3) ponude, koje su ujedno i blagovremene, i to ponuđača: „A/C servis S.P. Golemović Bojan“; „ICENET“ d.o.o Sarajevo; i „ENERGO CENTAR“ d.o.o.
- da nije bilo neblagovremeno zaprimljenih ponuda;
- da se sljedeće ponude odbijaju zbog:
 - o ponuđač A/C servis S.P. „Golemović Bojan“ u svojoj ponudi nije dostavio Izjavu ponuđača kojom garantuje da će, ukoliko zaključi ugovor za predmetnu nabavku, u roku od 10 dana od dana zaključivanja ugovora, dostaviti garanciju za uredno izvršenje ugovora u skladu sa tačkom 29. TD;
 - o Ponuđač „ICENET“ d.o.o Sarajevo u svojoj ponudi, u dijelu koji se odnosi na *Tehničke specifikacije uz Anex II*, nije dostavio minimalne tehničke karakteristike koje se traže Tenderskom dokumentacijom, i to:
 - Stavka pod rednim brojem 1. – Inverter klima uređaj I, traženo TD Minimalni protok vazduha 560 m³/h, u ponudi ponuđača dostavljeno Minimalni protok vazduha 310/430/530 m³/h, što ne odgovara minimalnim tehničkim karakteristikama;
 - Stavka pod rednim brojem 3. – Inverter klima uređaj III, traženo TD Kapacitet hlađenja: minimalno 2,7 kW, Kapacitet grijanja minimalno 3,0 kW, u ponudi ponuđača dostavljeno Kapacitet grijanja 2,64/2,93 kW, što ne odgovara minimalnim tehničkim karakteristikama.
- Komisija je utvrdila da su ponude ponuđača A/C servis S.P. „Golemović Bojan“ i „ICENET“ d.o.o. Sarajevo nepravilne, odnosno da nisu u skladu sa tenderskom dokumentacijom, te stoga nisu uvrštene u dalju evaluaciju.
- Komisija je dala preporuku ugovornom organu da se predmetni postupak javne nabavke klima uređaja, u skladu sa članom 70., Zakona o javnim nabavkama BiH dodijeli Ugovor ponuđaču „ENERGO CENTAR“ d.o.o. prema ponudi broj: 3719/26 od 26.08.2026. godine, sa cijenom u iznosu od 12.600,00 KM bez PDV-a, što je konstatovano u Zapisniku o pregledu i ocjeni ponuda od 10.09.2026. godine.

Razmatrajući prijedlog Komisije i primjenjujući odredbe člana 69. stav (1) tačka a) Zakona o javnim nabavkama, direktor Federalne uprave policije donosi Odluku kao u dispozitivu.

Pouka o pravnom lijeku: Protiv ove Odluke može se izjaviti žalba ugovornom organu, Federalnoj upravi policije, u roku od pet (5) dana od dana prijema ove odluke.

DIREKTOR
GLAVNI GENERALNI INSPEKTOR POLICIJE

Igor Marić

DOSTAVITI:

- Sektor za finansije i javne nabavke,
- Ponuđaču,
- a/a.